



Presidente da RDTL, Taur Matan Ruak Inaugura Ponte Iha Hatolia, Municipiu Ermera

PNDS

Hamutuk Ita
Dezenvolve nasaun

Maiu 2015

Prezidente da Repúblika, Louba Komunitade Suku Hatolia Nia Partisipasaun Iha Programa Nasional Dezenvolvimento Suku (PNDS)

Ponte Be'eali Ne'ebé lokaliza iha Suku Hatolia, Pontu Administrativu Hatolia, Munisípiu Ermera ofisiálmente inagura husi Presidente da Repúblika, Taur Matan Ruak (28/05/2015). Ponte ida ne'e komidade konstrui ho orsamentu husi governu ne'ebé aloka liu husi programa PNDS ba iha Suku.

Iha inagurasaun ne'e, Presidente Taur Matan Ruak, louba ho komidade sira nia partisipasaun iha programa PNDS tanba ho subsidiu ne'ebé ki'ik komidade bele halo buat ne'ebé bele benefisia ema barak.

"Imi hatudu duni imi nian vontade atu dezenvolve imi nian suku, imi iha espíritu hakarak dezenvolve imi nia suku, tanba ho orsamentu oituan, imi bele konstrui obra ida ne'ebé boot hanesan ne'e", hato'o husi Presidente da Repúblika, Taur Matan Ruak. Tuir Prezidente serbisu ne'ebé komidade husi Suku ida nee hala'o sai hanesan ezemplu ba Suku hotu iha Timor Laran, tanba ho dezenvolvimentu hahú husi nivel baze ita bele alkansa dezenvolvimentu nasional ba iha futuru ne'ebé di'ak liu, ida ne'e mak konseitu lolos dezenvolvimentu ba nasaun ida ninia.

Carlos Martins, hanesan komidade husi Suku Hatolia, kontente tebes ho prezensa Presidente Taur Matan Ruak, hodi inagura konstrusaun ponte ne'ebé halo husi komidade rasik liu husi programa PNDS, no nia rasik mos kontente ho rezultadu servisu ida ne'e.

"Ami sente kontente tebes, tanba ponte nee bele fasilita ona ami nia atividade tomak, iha pasadu, kuandu tempu udan susar tebes ba ami atu bele asesu ho transporte liu husi fatin ida nee tanba ponte ne'e tau deit ho Ai kabelak, maibé ho orsamentu ne'ebe governu finansia liu husi programa PNDS ami bele konstrui ponte ida nee". Carlos Martins, Komidade husi Suku Hatolia-Vila.

Konstrusaun ponte ida ne'e ho nia medida 14 m x 6 m ho nia altura mais ou menos 12 metrus. Orsamentu ne'ebé aloka ba iha konstrusaun ida ne'e ho nia montante \$39,000.00. Komidade suku 3 mak hetan benefisiáriu husi ponte ida ne'e mak hanesan Suku Leimea Sorin Balu, Leimea Kraik no inklui mós postu Administrativu Letefoho.

Suku Hatolia implementa programa PNDS iha faze I iha fulan Setembru 2013 liu ba. Total subsidiu suku ne'ebé aloka ba iha suku ida ne'e ho nia montante \$55,000.00, orsamentu ida ne'e inklui subsidiu rua mak hanesan \$6,250.00 ba operacional no \$48,750.00 ba infraestrutura \$48,000.00.

Progresu

Pilotu: Remata ona

Faze 1: Etapa 11 / 12

- Kompleta konstrusaun, no entrega ba ekipa operasaun no manutensaun
- Enkontru Akontabilidade Final

Faze 2: Etapa 10 / 11

- Sertifika, no Halo enkontru akontabilidade final
- Kompleta kontrusaun

Faze 3: Etapa 6/7

- Diskrisaun Proposta Projetu
- Perpara Plano Detailhu


Faze 1 Siklu 2 : Etapa 4/5

- Formasaun Ba EJS
- Determina Prioridade




Prioridade sira Iha Nasional Tuir Seitor no Fazes

Faze 1 (149) Suku



Faze 2 (91) Suku



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk

Primeiru Ministru Inagura Projektu Programa PNDS Iha Munisípiu Bobonaro

Primeiru Ministru, Dr. Rui Maria de Araújo, simbolikamente inagura projetu programa PNDS 28 iha Suku Batugade Vila, Postu Administrativu Balibo, Munisípiu Bobonaro (19/05/2015).

Antes halo inagurasaun, Primeiru Ministru disloka uluk ba Wemaresi-Becoan, Suku Sanirin, Postu Administrativu Balibo, hodi hare besik liu tan konstrusaun irigasaun ki'ik ne'ebé implementa direita husi comunidade sira liu husi programa PNDS. Komunitade sira kontente tebes ho programa PNDS tanba fó duni benefísiu direktamente ba sira. "Uluk ami halo kantadeiru hodi kuda modo hanesan fore tali, Baria, tomate no modo sira seluk iha tempu udan, maibé agora ami la hein udan ben tanba iha ona irigasaun ida ne'e bele fornese bee ba ami nia kintál hodi utiliza ba kuda modo", hato'o husi Virgilio Pereira, comunidade Suku Sanirin.

Iha inagurasaun ne'e Primeiru Ministru fó lia menon ba comunidade sira atu utiliza didi'ak liu-liu infraestrutur ne'ebé dezenvolve liu husi programa PNDS iha Suku hanesan konstrusaun sentru komunitáriu multi funsaun, rehabilitasaun eskola, rehabilitasaun estrada ho ponte ki'ik, irigasaun, nomós konstrusaun bee mós. "Apoi ne'ebé estadu fó liu husi programa PNDS ba Suku, Postu Administrativu nomós Munisípiu, labele hela hanesan ne'e deit, maibé utiliza ho kuidadu ba atividade hotu ne'ebé atu dezenvolve imi nia Suku", hato'o husi Primeiru Ministru, Dr. Rui Maria de Araújo.



Vise Ministru Estatál Inagura Projektu Programa PNDS iha Suku Maubara Lisa

Iha loron 26/05/2015, Vise ministru Administrasaun Estatál, Tomás do Rosário Cabral, simbolikamente inagura projetu Programa PNDS 14 iha Postu Administrativu Maubara, Munisípiu Liquisa. Inagurasaun projetu programa PNDS ida ne'e konsentra iha Suku Maubara-Lissa.

Antes halo inagurasaun, Xefe Suku ho comunidade konvida Vise Ministru ho nia ekipa hodi ba hare besik liu rezultadu konstrusaun bee mós ne'ebé hala'o direktamente husi comunidade Suku Maubara-Lissa liu husi programa PNDS.

"Bee ida ne'e kuidadu ho didi'ak, alende uza ba konsumu, kanaliza mós ba rai atu nune'e bele utiliza ba kuda modo no rega ai horis hodi halo rai matak", hato'o husi Vise Vice-Ministru da Administrasaun Estatál, Tomás do Rosário Cabral, iha Suku Maubara-Lissa, Postu Administrativu Maubara.

Lider komunitáriu ho autoridade lokál apresia ho prezensa Vise Ministru iha inagurasaun ida ne'e tanba ho prezensa hirak bele motiva liu tan comunidade sira nia partisipasaun no envolvimentu iha prosesu dezenvolvimentu liu-liu iha programa PNDS. Lider komunitária sente kontente tanba povu hetan benefísiu husi programa PNDS. "Uluk, tempu bailoro comunidade sira susar tebes atu hetan bee mós, maibé agora ho PNDS bele dada bee besik ba iha comunidade nia let". Rui Manuel, Xefe Suku Vaviquinia. Rui Manuel, hanesan Xefe Suku husi Suku Vaviquinia, iha ninia diskursu apresia ho program PNDS, tanba programa ida ne'e comunidade rasik mak jere, hahú husi identifika problema dezenvolvimentu, halo planu, jere orsamentu, implementasaun programa, nune'e mós sai hanesan fiskalizador.

Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl